



ISTITUT CULTURAL LADIN
MUSEO LADIN DE FASCIA

COMUNICAT STAMPA

Sèn Jan, ai 4 de messèl 2011

Istitut Cultural Ladin – MUSEO LADIN DE FASCIA N LIBER TE MUSEO CATER SCONTRÈDES SU LA CULTURA LADINA 11 de messèl – 22 de aost 2011

Tel chèder del rich program de scomenzadives e manifestazions pervedù per chest istà, l'Istitut met a jir ence cater scontrèdes su la cultura ladina che se tegnarà te Museo via per l domesdì, per rejonèr dessema coi ghesc e con noscia jent de valguna publicazions vegnudes fora te chisc ultimes tempes (cfr. program enjontà).

Te la pruma scontrèda, en program per **en lunsesc ai 11 de messèl da mesa les 6 da sera**, vegnarà portà dant l liber “L Ream de Fanes” de Brunamaria Dal Lago Veneri e ilustrazions de Fabio Visintin, dessema col DVD “Fanes. La lejenda del Ream perdù”, video con dessegnes animé dat fora te 4 lengac semper en coedizion con Giunti Progetti. Te chela ocajon vegnarà recordà ence i prumes **10 egn** de vita la neva senta del “**Museo Ladin de Fascia**”, inaugurèda ai 8 de messèl del 2001, con n moment de confront e de bilanz sun chisc egn de atività e sun sie davegnir, a chela che tolarà pèr Cesare Poppi, antropologh de nonzech da semper vejìn a la comunanza ladina, e Mirella Florian, sorastant de la Scola de Fascia, con chela che l Museo laora per arvejinèr nesc bec e tosec a la cultura e a la storia ladina.

Ai 4 de aost se rejonarà del liber “**La Marmolada**” de Cierre Edizioni, co la partezipazion di curatores Mauro Varotto e Alberto Canton, n bel liber con tesç e fotografies de gran enteress. Ai 8 de aost vegnarà prejentà la publicazion “**Il duro flagello. Memorie di guerra di Marino Bernard**” co la partezipazion de l'autor Cesare Bernard. Tinùltima, ai 22 de aost vegnarà portà dant l liber “**Carnascèr fascian. Un rito tradizionale nella modernità**” co l'autor Cesare Poppi..

Chesta scontrèdes sarà na bela ocajon per se binèr te Museo per n moment duc ensema con n liber e n picol bicer dant de cena. (eb)

PROGRAM

Lunsesc ai 11 de messèl

da les 17.30 Prejentazion del liber e del nef DVD “**Fanes – La lejenda del ream perdù**” co la partezipazion de la scritora Brunamaria Dal Lago Veneri.

MUSEO LADIN DE FASCIA: 2001-2011

L bilanz de diesc egn, con Cesare Poppi e Mirella Florian

Jebia ai 4 de aost

da les 17.30 Prejentazion del liber “**La Marmolada – Cierre edizioni**”, co la partezipazion di curatores Mauro Varotto e Alberto Carton

Lunsesc ai 8 de aost

da les 17.30 Prejentazion del liber “**Il duro flagello – Memorie di guerra di Marino Bernard (1914-1916)**”, co la partezipazion de l'autor Cesare Bernard

Lunsesc ai 22 de aost

da les 17.30 Prejentazion del liber “**Carnascèr fascian: un rito tradizionale nella modernità**” co la partezipazion de l'autor Cesare Poppi